



SOALAN

Apakah perbezaan antara 'tentang' dengan 'dengan' ?

Oleh: Sharifah Badariah Al-Shahab,
P6D, Sekolah Rendah Qifa



JAWAPAN

Kedua-dua '**tentang**' dan '**dengan**' ialah kata sendi nama. Biasanya '**dengan**' digunakan untuk merujuk empat perkara berikut:

- membawa maksud bersama-sama atau beserta:
(Dia akan ke Malaysia **dengan** ibu bapanya.)
- membawa maksud cara sesuatu itu dijalankan / dilakukan:
(Perjalanan itu dimulai **dengan** bacaan doa.)
- membawa maksud memakai / menggunakan sesuatu:
(Ibu membasuh pakaian **dengan** sabun buku.)
- membawa maksud persamaan / perbandingan:
(Pendapatannya tidak setimpal **dengan** kerjanya)

Kata sendi nama '**tentang**' pula digunakan untuk membuat rujukan akan subjek yang diikatakan atau perbuatan yang dilakukan.

- Kandungan novel itu **tentang** nasib seorang anak yatim piatu.
- Laporan **tentang** kebersihan tempat itu belum disiapkan lagi.
- Datuk bercerita **tentang** zaman remajanya kepada kami.

Penggunaan '**tentang**' boleh disamakan dengan penggunaan '**mengenai**'.

- Berita **mengenai** kejayaannya disiarkan melalui media tempatan.
- Buku yang baru diterbitnya itu **mengenai** kelemahan pelajar Melayu dalam matematik.